

**Partnerski fond za kritično ugrožene ekosisteme
Critical Ecosystem Partnership Fund**

**3. Poziv za projektne prijedloge
MALI GRANTOVI
Ulaganje u Vruću tačku biodiverziteta Mediteranski basen**

- 1. Datum otvaranja poziva:** Ponedjeljak 25. jun 2018
- 2. Datum za predaju prijedloga:** Petak 14. septembar 2018
- 3. Budžet i vremenski okvir**

Minimalni projektni budžet je US \$5,000 po projektu, a maksimalni US \$20,000. Najraniji očekivani početak projektnih aktivnosti je 1. januar 2019, projekti trebaju da se završe do 30. maja 2022.

4. Opšte informacije

Fond za kritično ugrožene ekosisteme ([Critical Ecosystem Partnership Fund](#) - CEPF) je osnovan kako bi štitio biološki najbogatije i najugroženije regione svijeta, poznate kao vruće tačke biodiverziteta. CEPF je zajednička inicijativa Francuske agencije za razvoj, međunarodne nevladine organizacije Conservation International, Evropske unije, GEF-a (Globalnog fonda za zaštitu okoliša), Vlade Japana, fondacije John D. i Catherine T. MacArthur i Svjetske banke. Osnovni cilj CEPF-a je obezbijediti uključenje civilnog društva u očuvanje biodiverziteta.

Mediteranski basen je druga najveća vruća tačka biodiverziteta na svijetu i najveća od pet područja sa mediteranskom klimom. CEPF-ova niša za ulaganja u Mediteran je osmišljena kao participativni proces koji uključuje saradnju predstavnika civilnog društva, donatora i vladinih službi širom regiona. Rezultat tog procesa je Investicijska strategija (2017-2022), koja je uključena u krovni dokument – Ekosistemski profil, dostupan [ovdje](#). Ovaj dokument uključuje seriju strateških pravaca, dodatno podijeljenih na prioritete ulaganja koji određuju vrste aktivnosti i uslove za finansiranje od strane CEPF.

Savez BirdLife International u ulazi Regionalnog implementacionog tima (RIT) u ime Partnerskog fonda za kritično ugrožene ekosisteme (CEPF) za Vruću tačku Mediteranski basen poziva na predaju projektnih prijedloga u obliku Pisama namjere (Letters of Inquiry-LOI) za male grantove. Na poziv se mogu prijaviti nevladine organizacije, društvene zajednice, privatne firme, univerziteti i ostale

organizacije civilnog društva. Podnosiocima prijava savjetujemo da pažljivo i u potpunosti pročitaju ovaj poziv i odgovarajuća dokumenta i predaju Pismo namjere kako je opisano u Sekciji 6.

5. Ispunjavanje uslova

Za finansiranje mogu da apliciraju nevladine organizacije, univerziteti, privatna preduzeća i fizička lica. Posebno se ohrabruju prijave od strane organizacija koje predlažu izgradnju kapaciteta lokalnog civilnog društva i društvenih grupa.

Organizacije trebaju da imaju sopstveni bankovni račun i trebaju da, u skladu sa relevantnim nacionalnim zakonodavstvom, budu autorizovane za primanje dobrotvornih doprinosa.

Preduzeća ili institucije osnovane od strane vlade ispunjavaju uslove finansiranja samo ako mogu da dokažu da preduzeće ili institucija ima:

- Legalnu strukturu nezavisnu od bilo koje državne ustanove ili tijela;
- Ovlašćenje da se prijavi i primi privatna sredstva; te
- Da ne može izdati zahtjev po suverenom imunitetu.

Grantovi ne mogu da se koriste za:

- kupovinu zemljišta, nedobrovoljnu selidbu ljudi ili aktivnosti koje bi imale negativan uticaj na fizičko-kulturne resurse, uključujući i one, bitne za lokalne zajednice.
- aktivnosti koje bi štetno uticale na domorodačke narode ili aktivnosti koje nisu dobile široku potporu takvih zajednica.
- pomjeranje ili mijenjanje bilo kakve kulturne baštine (uključuje područja koja imaju arheološku, paleontološku, istorijsku, religijsku ili jedinstvenu prirodnu vrijednost). Predložene aktivnosti treba da uzmu u obzir sve ostale relevantne zaštitne i socijalne mjere kako je opisano na cepf.net.

6. Prihvatljive aktivnosti

Ovaj poziv je ograničen za prijavu aktivnosti i lokaliteta izvođenja aktivnosti opisanih ispod.

Strateški pravci

Uvažiće se **samo** projektne prijave za sljedeće strateške pravce i zemlje:

- **Strateški pravac 1:** Albanija, Kapverdska ostrva, Libija, Crna Gora, Maroko i Tunis.
- **Strateški pravac 4:** Albanija, Bosna i Hercegovina, Kapverdska ostrva, Jordan, Liban, Libija, Sjeverna Makedonija, Crna Gora, Maroko i Tunis.

Predloženi projektni prijedlozi mogu da se odnose samo na jedan od dva strateška pravca: Strateški pravac 1 ili Strateški pravac 4. Ukoliko želite da se prijavite na oba strateška pravca, trebate da prijavite dva odvojena projekta.

i) Strateški pravac 1: Zaštita obalnih područja

S obzirom na intenzivnu i široko rasprostranjenu prirodu prijetnji prema mnogim obalnim Ključnim područjima biodiverziteta (KBA), većina aktivnosti unutar ovog strateškog pravca biće usmjerena na očuvanje odabranih, visoko prioriternih KBA. Na tim su područjima ključni elementi biodiverziteta (npr. Ugrožene vrste i ekosistemi) jako ugroženi, ali na njima postoje i realni izgledi za poboljšanje stanja kroz projektne aktivnosti.

CEPF traži projektne prijedloge koji **oslovljavaju Strateški pravac 1 kroz jednu ili više Prioriteta ulaganja** (Tabela 1).

Tabela 1: Strateški pravac 1 sa odgovarajućim prioritetima ulaganja

Strateški pravac	Prioriteti ulaganja
1: Podrška civilnom sektoru pri uključivanju zainteresovanih strana u demonstraciji integralnih pristupa za očuvanje biodiverziteta u obalnim područjima.	1.1: Uključivanje lokalnih zainteresovanih strana u realizaciju aktivnosti za zaštitu prirode usmjerene na prijetnje za ključne elemente biodiverziteta u prioriternim KBA u obalnoj zoni.
	1.2: Uključivanje zainteresovanih strana privatnog sektora da usvoje održive prakse koje bi imale pozitivne efekte po očuvanje prioriternih KBA u obalnim područjima.
	1.3: Podrška civilnom društvu u uključivanju lokalnih ili nacionalnih vlasti da promovišu očuvanje biodiverziteta u procesu integralnog upravljanja obalnim područjima, korišćenjem zemljišta i procesima prostornog planiranja.

Odabrana KBA su izabrana kao prioriteti za podršku od strane CEPF i samo područja navedena u donjoj tabeli ispunjavaju uslove za finansiranje. **Predviđene aktivnosti predložene u pismu namjere trebaju da budu usmjerene na očuvanje biodiverziteta unutar jednog ili više od navedenih KBA** (Tabela 2, Slika 1).

Tabela 2: KBA koja ispunjavaju uslove finansiranja ovog poziva.


Država	KBA koda	Naziv KBA
Albanija	ALB04	Gjiri i Sarandës - Parku Kombëtar Butrint
Albanija	ALB05	Gjiri i Vlorës - Gadishulli i Karaburunit - Ishulli i Sazanit - Mali i Çikës
Albanija	ALB10	Liqeni i Shkodrës – Lumi i Bunës-Velipojë - Vau i Dejës
Kapverdska ostrva	CPV04	Boavista praias
Kapverdska ostrva	CPV05	Costa de Fragata
Kapverdska ostrva	CPV10	Ilha de Santa Luzia
Kapverdska ostrva	CPV14	Ilhéu Raso
Libija	LBY06	Farwa
Libija	LBY11	Karabolli
Crna Gora	MNE03	Delta Bojane
Crna Gora	MNE05	Katič, Donkova i Velja Seka

Maroko	MAR46	Parc National de Souss-Massa et Aglou
Tunis	TUN03	Archipel de Zembra
Tunis	TUN27	Golfe de Boughrara
Tunis	TUN31	Îles Kuriat
Tunis	TUN33	Jbel Nadhour et Lagune de Ghar El Melh
Tunis	TUN60	Sebkhet Sejoumi

Slika 1. Karta obalnih prioritetnih KBA, koji ispunjavaju uslove finansiranja od strane CEPF u okviru Strateškog pravca 1.

Obratite pažnju da samo KBA područja iz Tabele 2 ispunjavaju uslove u okviru predstojećeg poziva.

Interaktivna karta vruće tačke Mediteranskog biodiverziteta je dostupna [ovdje](#). Kliknite na ikonu 'Layer list' u gornjem desnom uglu kako bi koristili sloj koji vam treba, npr. KBA.



ii) Strateški pravac 4: Očuvanje biljaka

Nivo ugroženosti i manjak pažnje prema specifičnim potrebama za očuvanje biljaka su bili razlog da se toj grupi organizama posveti poseban Strateški pravac. Pored podrške samim direktnim mjerama očuvanja, projekti u okviru ovog strateškog pravca bi trebali da pojačaju botaničko znanje i vještine naučnika, zaštitara i upravljača zemljišta.

Prioritetno će se podržati projekti koji će:

- Da demonstriraju da su usmjereni na jednu ili više prioritetnih vrsta ili adresiraju prioritetne potrebe za očuvanjem biljaka.
- Da demonstriraju direktne aktivnosti za očuvanje ugroženih i endemskih populacija biljaka.
- Da će da uključe, gdje je to moguće, značajnu komponentu izgradnje kapaciteta u oblasti očuvanja biljaka, za projektne izvođače ili njihove lokalne partnere
- Da će da obuhvate očuvanje lokaliteta za koje postoji evidentna potreba za finansiranjem i mogućnost uspjeha zaštitarskih aktivnosti.

CEPF traži projekte koji obuhvataju **Strateški pravac 4 kroz jednu ili više Prioriteta ulaganja navedenih u Tabeli 3.**

Aktivnosti treba da budu usmjerene na područja ili vrste biljaka, koje odgovaraju jednom ili više navedenih kriterijuma:

- Područja sa vrstama biljaka u kategoriji ugroženosti Kritično ugrožena - Critically Endangered (CR) prema Globalnoj crvenoj listi IUCN - [IUCN Global Red List](#)
- Područja sa biljnim vrstama, koja nisu bila ocijenjena prema kriterijumima Globalne crvene liste IUCN, ali bi se kvalifikovala za kriterijum CR prema toj istoj listi da su ocijenjena prema kriterijumima i pragovima ugroženosti Globalne crvene liste IUCN - [IUCN global Red List criteria](#).
- Usko endemične biljke - Site restricted endemics (SRE), koje uključuju:
 - Taksoni koje se pojavljuju samo na jednom lokalitetu (i nigdje više na svijetu)
 - Opseg pojavljivanja (Extent of occurrence) je manji od 100 km²
 - Područje rasprostranjenja (Area of occupancy) je manje od 10 km²

Projektni prijedlozi usmjereni na KBA područja određena u Ekosistemskom profilu biće prioritizovani u odnosu na poznatu biodiverzitetnu vrijednost lokacije. Ukoliko su aktivnosti očuvanja planirane izvan KBA, navedite geografske koordinate kao i dodatne informacije (npr. vlasništvo, upravljanje, status zaštite, lokalne zajednice, prijetnje itd.) o lokaciji u projektnom prijedlogu.

Ukoliko biljna vrsta nije ocijenjena od strane IUCN i Globalne crvene liste IUCN, podnosilac projekta je u obavezi da jasno i sistematski objasni zašto smatra da bi status vrste odgovarao kritično ugroženom statusu (CR) prema IUCN Globalnoj crvenoj listi (koristeći kriterije IUCN) i zašto zahtijeva posebnu pažnju po očuvanju. Ukoliko podnosilac projekta predlaže rad na lokalnom endemu, treba da opravda da vrsta ispunjava gore navedene kriterijume. Opravdanje može da uključuje reference prema prošlom radu na vrsti, detalje staništa gdje se pojavljuje i prijetnje koje je ugrožavaju.

Interaktivna karta vruće tačke Mediteranskog biodiverziteta je dostupna [ovdje](#). Kliknite na ikonu 'Layer list' u gornjem desnom uglu kako bi koristili sloj koji vam treba, npr. KBA.

Tabela 3: Strateški pravac 4 sa odgovarajućim prioritetima ulaganja

Strateški pravac	Prioriteti ulaganja
4: Jačanje uključenosti civilnog društva u očuvanje kritično ugroženih ili usko endemičnih biljaka.	4.1: Jačanje znanja i vještina sa ciljem podrške procjeni i planiranju očuvanja biljaka, te stvaranju novih generacija mladih stručnjaka u očuvanju biljaka.
	4.2: Podrška uključivanju očuvanja biljaka u proces upravljanja zaštićenim područjima.
	4.3: Podrška inovativnim aktivnostima za očuvanje značajnih populacija biljaka, rad sa vlasnicima zemljišta i upravljačima.

iii) Osnovna uputstva

Projektni prijedlozi trebaju da se baziraju na očuvanju biodiverziteta kao temeljnoj komponenti i trebaju da jasno pokažu pozitivne uticaje na status očuvanja biodiverziteta.

Gdje je to relevantno, podnosioci projekata se ohrabruju da svoje prijedloge usklade sa postojećim nacionalnim ili regionalnim inicijativama. Prihvatljive su i sinergije sa drugim organizacijama, pri čemu organizacija podnosilac treba da bude vodeći partner a druge partneri-podgovarači.

Podnosioci projekata, koji nisu iz zemalja prihvatljivih za finansiranje CEPF, mogu da se prijave na projekte ukoliko su projektne aktivnosti usmjerene na potrebe očuvanja unutar zemalja, koje ispunjavaju uslove finansiranja CEPF. Međunarodne i jake nacionalne organizacije se ohrabruju da u svoje projekte uključe lokalne organizacije ili zajednice u ulozi projektnih partnera ili da objasne kako će lokalne zainteresovane strane da budu aktivno uključene u projektnu implementaciju.

7. Proces prijavljivanja

Prijave mogu biti napisane na **engleskom, francuskom, arapskom ili srpsko-hrvatskom (srpskom, hrvatskom, bosanskom, crnogorskom) jeziku.**

Svi podnosioci prijave treba da **koriste standardni formular Pisma namjere (LOI)** na odabranom jeziku:

- [arapski](#)
- [engleski](#)
- [francuski](#)
- [portugalski](#)
- [srpsko-hrvatski](#)

Podnosioci trebaju da predaju projektnu prijavu do datuma zaključka poziva na: CEPF-MED-RIT@birdlife.org.

Podnosioci prijave će dobiti potvrdu o prijemu projektne prijave od strane RIT.

Proces pregledavanja projektnih prijava trajeće približno 8 sedmica od zatvaranja poziva. Komisija za pregled projektnih prijedloga će da izabere najkvalitetnije prijedloge, koji će da ispunjavaju uslove iz sekcija 5 i 6. Svi podnosioci prijava će dobiti odgovor o ishodu procesa evaluacije od strane RIT.

Podnosioci prihvaćenih projektnih prijedloga biće pozvani da dodatno razrade svoje prijedloge u smislu detaljnijeg budžeta i logičke matrice. Finalni prihvaćeni projekti dobiće mali grant i ugovor između organizacije BirdLife International kao RIT za Vruću tačku biodiverziteta Mediteranski bazen te podnosioca prijave (dobitnik granta). Grantovi će biti isplaćeni u američkim dolarima i ugovori će biti sklopljeni na engleskom jeziku.

8. Preporučena dokumentacija

Svim podnosiocima prijava preporučujemo da pomno pregledaju Strategiju ulaganja CEPF u Mediteranskom basenu, koja pruža više detalja o vrstama potencijalnih aktivnosti, koje CEPF finansira u okviru svakog Prioriteta ulaganja.

- Ekosistemski profil - Ecosystem Profile: [engleski](#)
- Ekosistemski profil – Tehnički sažetak - Ecosystem Profile - Technical Summary: [engleski](#), [arapski](#), [francuski](#)

Interaktivna karta Vruće tačke biodiverziteta Mediteranskog basena je dostupna [ovdje](#), koristite ikonu 'Layer list' na gornjem desnom uglu kako bi izabrali sloj koji vam je potreban.

Pomoć i drugi izvori:

- Ispunjavanje uslova i kako se prijaviti - [Eligibility and How To Apply](#)
- Česta pitanja - [Frequently Asked Questions](#)
- Zaštitne mjere - [Safeguard Policies](#)
- 12 savjeta za prihvatanje vaše projektne ideje - [12 Tips for Getting Your Grant Idea Funded](#)
- Baza projekata CEPF - [CEPF Projects database](#)

9. Kontaktni detalji

Pitanja ili sugestije, kao i pitanja u vezi projektnih ideja i ispunjavanja uslova prije predavanja prijave možete da prodiskutujete sa članovima RIT-a. Za svaki od regiona zadužen je posebni Programski koordinator, kojeg možete da kontaktirate za dodatne savjete i uputstva:

- Bliski istok: Sharif Jbour, Email: sharif.jbour@birdlife.org
- Balkan: Borut Rubinić, Email: borut.rubinic@dopps.si
- Sjeverna Afrika: Awatef Abiadh, Email: awatef.abiadh@lpo.fr
- Kapverdaska ostrva: Mariana Carvalho, Email: mariana.carvalho@birdlife.org

Za sve dodatne informacije vezane za CEPF Vruću tačku biodiverziteta Mediteranski basen molimo kontaktirajte RIT menadžera, Liz Smith: liz.smith@birdlife.org ili potražite informacije na: <http://www.birdlife.org/cepf-med>